

# Proxecto Deportivo 2023

## da FEGADO

### Contido

1	Descrición do Proxecto Deportivo da FEGADO 2023 .....	2
2	Marco institucional e normativo .....	2
3	Finalidade do Proxecto Deportivo da FEGADO 2023.....	3
4	Obxectivos do Proxecto Deportivo da FEGADO 2023 .....	3
5	Metas do Proxecto Deportivo da FEGADO 2023 .....	4
6	Beneficiarios .....	10
7	Localización física e cobertura espacial .....	10
8	Especificación operacional das actividades e tarefas a realizar .....	11
9	Métodos e técnicas a utilizar .....	12
10	Determinación dos prazos ou calendario de actividades.....	12
11	Determinación dos recursos necesarios.....	13
12	Cálculo dos custes de execución e orzamento .....	13
13	Estrutura organizativa e de xestión .....	14
14	Indicadores de avaliación .....	14
15	Factores externos condicionantes.....	15

## 1 Descrición do Proxecto Deportivo da FEGADO 2023

Achégase o Proxecto Deportivo da **Federación Galega de Orientación (en adiante FEGADO)** para a tempada 2023, entendida como o período comprendido entre o 1 de xaneiro a 31 de decembro, para a **modalidade deportiva de Orientación**.

Será de aplicación ás catro especialidades asentadas en Galicia:

- Orientación a Pé (O-Pé)
- Orientación en bicicleta de montaña (MTBO)
- Orientación de precisión (TRAIL-O)
- Raid de Orientación.

A data actual a FEGADO, tras un intenso período electoral, atópase inmersa nun proceso de renovación da Presidencia (toma de posesión da actual Presidenta o 20 de outubro de 2022) e da súa Xunta Directiva. O presente Proxecto Deportivo da FEGADO 2023, deseñado no ámbito dunha tempada que aínda non está finalizada, xorde dun traballo en equipo que pretende dar continuidade aos proxectos de liñas anterior, e que está coordinado entre a directiva saínte e a directiva entrante.

Tanto o Proxecto Deportivo da FEGADO 2023, como as memorias anuais de actividade 2022 serán expostos na Asemblea Xeral convocada en Lugo para o sábado 17 de decembro de 2022 para o coñecemento das persoas asembleístas e das persoas asistentes, e para a súa aprobación, se procede.

## 2 Marco institucional e normativo

Conforme ao establecido no Estatuto de Autonomía de Galicia, a Comunidade Autónoma galega asume a competencia exclusiva na materia da promoción do deporte (artigo 27.22), correspondéndolle á **Secretaría Xeral para o Deporte** as competencias de elaboración, proposta e execución da política do goberno galego en materia de deportes, conforme ao establecido no 33 do Decreto 109/2021, do 15 de xullo, de estrutura orgánica dos órganos superiores e de dirección dependentes da Presidencia da Xunta de Galicia

A Resolución da Secretaría Xeral para o Deporte, de data 9 de xullo de 2013, autorizou a constitución, por creación ex novo, da FEGADO, ratificando os seus estatutos e acordando a inscrición no Rexistro de Entidades Deportivas de Galicia.

A **Federación Galega de Orientación (FEGADO)** é a entidade privada con personalidade xurídica propia e plena capacidade de obrar, sen ánimo de lucro, que ten por obxecto, mediante a integración de clubs deportivos, seccións deportivas, deportistas-orientadores, técnicos-adestradores e xuíces controladores, a práctica do deporte de orientación, en calquera das súas especialidades fixadas pola Federación Internacional de Orientación (IOF) e pola Federación Española de Orientación (FEDO), así como promover, regulamentar e organizar a orientación no territorio da Comunidade Autónoma de Galicia. A FEGADO exerce, ademais das súas propias atribucións, por delegación funcións públicas de carácter administrativo, actuando en tal caso como axente colaborador da Comunidade Autónoma galega baixo a súa tutela e coordinación.

A FEGADO ten a consideración de entidade de utilidade pública, nos termos establecidos na lexislación.

A FEGADO forma parte da FEDO, aplicándoselle as normas e regulamentos da FEDO e da IOF cando actúen en competicións oficiais de carácter estatal ou internacional.

### Normativa de aplicación

- a) **Ámbito xeral estatal.** *Ley 10/1990, de 15 de octubre, del Deporte* e outras normas que a desenvolven, en particular el *Real Decreto 1835/1991, de 20 de diciembre, de Federaciones Deportivas Españolas y Registro de Asociaciones Deportivas*.
- b) **Ámbito xeral autonómico.** *Lei 3/2012, de 2 de abril, do deporte de Galicia* e outras normas que a desenvolven en particular o *Decreto 85/2014, do 3 de xullo, polo que se aproba o Regulamento de Rexistro de Entidades Deportivas de Galicia*.
- c) **Ámbito específico**
  - A nivel internacional. Federación Internacional de Orientación (IOF) [[acceso á web da IOF](#)].
  - A nivel estatal. Federación Española de Orientación (FEDO) [[acceso á web da FEDO](#)].
  - A nivel autonómico. Federación Galega de Orientación (FEGADO) [[acceso á web da FEGADO](#)].
- d) **Estatutos e normativa deportiva** aplicable ás federacións deportivas que se aprobe, así como a propia da FEGADO (Estatutos [[ver Estatutos da FEGADO](#)], Regulamentos e Normas Anuais [[ver Regulamentos e Normas Anuais FEGADO](#)]).

## 3 Finalidade do Proxecto Deportivo da FEGADO 2023

- a) Realizar os programas de promoción da modalidade de orientación para a anualidade 2023.
- b) Fomentar o deporte e a actividade física saudable no ámbito da Comunidade Autónoma de Galicia, colaborando así no desenvolvemento do sistema deportivo galego.

## 4 Obxectivos do Proxecto Deportivo da FEGADO 2023

- a) Obxectivos exclusivos da FEGADO, entre outros:
  - Representar á Comunidade Autónoma de Galicia nas actividades e competicións deportivas do deporte de orientación.
  - Organizar as competicións oficiais autonómicas federadas.
  - Expedir licenzas deportivas.

- Asignar as subvencións e axudas de carácter público concedidas e controlar que os seus asociados lles dean unha correcta aplicación.

b) Obxectivos propios da FEGADO, entre outros:

- Convocatoria das seleccións deportivas da súa modalidade e a designación dos deportistas que as integren.
- Colaborar coas Administracións públicas e coa FEDO, así como coas restantes entidades deportivas, na promoción do deporte de orientación.
- Colaborar coa Administración deportiva autonómica na execución dos plans e programas dos deportistas galegos de alto nivel.
- Colaborar e/ou organizar as competicións oficiais e actividades deportivas de carácter estatal ou internacional que se realicen no territorio de Comunidade Autónoma de Galicia.
- Actualizar as Normas Anuais e os Regulamentos.
- Colaborar coa Administración deportiva autonómica na formación de técnicos-adestradores e xuíces-controladores, segundo a normativa que sexa aplicable.
- Fomentar a participación no deporte de orientación das persoas con algunha discapacidade.
- Fomentar a educación medioambiental entre os deportistas-orientadores e adoptar cantas medidas estean ó seu alcance co fin de salvagardar o patrimonio natural durante o desenvolvemento das súas actividades. Colaborar en materia de medio ambiente cos Organismos e Entidades Públicas ou Privadas no ámbito do seu territorio.

## 5 Metas do Proxecto Deportivo da FEGADO 2023

Son obxectivos exclusivos da FEGADO, entre outros:

- **Representar á Comunidade Autónoma de Galicia nas actividades e competicións deportivas do deporte de orientación.**
  - o Participar no Campionato de España de Orientación a Pé (CEO) de **Relevos Clásicos** por Seleccións Autonómicas.

- Participar no Campionato de España de Orientación a Pé (CEO) de **Relevos Mixtos** por Seleccións Autonómicas.
- Participar no **Campionato de España de Orientación a Pé en Idade Escolar por Seleccións Autonómicas (CESA)**.
- Participar no **Campionato de España de Orientación en Bicicleta de Montaña (CEMTBO)**.
- Participar no **Campionato de España Xuvenil de Raid de Aventura por Seleccións autonómicas (CERA Xuvenil)**.
- Participar no **Campionato de España de Trail-O (CETO)**.
- **Organizar as competicións oficiais autonómicas federadas**
  - Requirir aos clubs, entidades deportivas ou persoas físicas ou xurídicas para que envíen a correspondente solicitude de probas do calendario 2023 [\[ver NOTICIA na web\]](#).
  - Publicar un borrador de calendario na web da FEGADO.
    - Campionatos Galegos
      - Campionato Galego de Orientación a Pé | Distancia longa.
      - Campionato Galego de Orientación a Pé | Distancia media.
      - Campionato Galego de Orientación a Pé | Distancia sprint.
      - Campionato Galego de Rogaine.
      - Campionato Galego de MTBO | Distancia longa.
      - Campionato Galego de MTBO | Distancia media.
      - Campionato Galego de MTBO | Distancia sprint.
      - Campionato Galego de Raid de Orientación
      - Campionato Galego de Trail-O
    - Ligas Galegas
      - Liga Galega de Orientación a Pé
      - Liga Galega de Orientación a Pé SPRINT
      - Liga Galega de Raid de Orientación
      - Liga Galega de TRAIL-O
    - Campionatos Escolares e Universitarios
      - Cto. Provincial Escolar de Ourense, incluso zonais de ser necesarios.
      - Cto. Provincial Escolar de A Coruña, incluso zonais de ser necesarios.
      - Cto. Provincial Escolar de Pontevedra, incluso zonais de ser necesarios.

Cto. Provincial Escolar de Lugo, incluso zonais de ser necesarios.  
Cto. Autonómico Escolar.  
Cto. Autonómico Universitario.

- Outras actividades oficiais  
Cerimonia de Premiación de final de tempada.

- **Expedir licenzas deportivas**

- Redacción e firma do Convenio Anual que regula a compensación por gastos e trámites de licenzas da Federación Española de Orientación (FEDO) coa Federación Galega de Orientación (FEGADO).
- Imprimir e distribuír os dorsais de tempada para as competicións oficiais.

- **Asignar as subvencións e axudas de carácter público concedidas e controlar que os seus asociados lles dean unha correcta aplicación**

- Fiscalizar a execución estrita do orzamento durante a tempada 2023.
- Publicar os datos de contabilidade na sección TRANSPARENCIA da web da FEGADO.

c) Obxectivos propios da FEGADO, entre outros:

- **Convocatoria das seleccións deportivas da súa modalidade e a designación dos deportistas que as integren**

- Publicar os criterios de SELECCIÓN GALEGAS na web da FEGADO [[ver pestana SELECCIÓN GALEGAS](#)] e/ou PROXECTOS DEPORTIVOS [[ver pestana PROXECTO DEPORTIVO](#)].
- Publicar na sección NOTICIAS da web da FEGADO as preseleccións e seleccións definitivas.

- **Colaborar coas Administracións públicas e coa FEDO, así como coas restantes entidades deportivas, na promoción do deporte de orientación.**

- Aportar a documentación necesaria para a solicitude de “Convenio de Colaboración Entre a Secretaría Xeral para o Deporte e a Federación Galega de Orientación, para a realización do Programa de Promoción e Desenvolvemento da súa Modalidade Deportiva para o ano 2023”, publicando o mesmo na web da FEGADO [[ver pestana CONVENIOS](#)].

- Potenciar a utilización das RRSS, en particular os perfís de FACEBOOK e INSTAGRAM da FEGADO, ademais de colaborar coa publicación da REVISTA DIXIGAL DE ORIENTACIÓN da FEDO.
  - Ofrecer a estrutura da páxina web da FEGADO para a promoción do deporte de orientación, incluso a eventos non oficiais, de modo que clubs, entidades deportivas ou persoas físicas ou xurídicas dispoñan dun espazo de difusión e mesmo de xestión e inscrición en ditos eventos, en aplicación do acordo da Asemblea Xeral de 18 de decembro de 2022.
  - Facilitar aos docentes, principalmente de Educación Física, a integración e desenvolvemento da orientación nas súas programacións didácticas. **Designar** unha persoa colaboradora coa FEGADO en materia de CONTIDOS DIDÁCTICOS, habilitando un espazo propio de traballo.
  - Perseverar coa Secretaría Xeral para o Deporte, a través da canle da **UFEDEGA**, para que as administracións sectoriais teñan coñecemento da modalidade deportiva da orientación, á vez que habilitar unha mesa de traballo multideporte de cara a simplificar a xestión administrativa das autorizacións sectoriais nas “modalidades que desenvolven a súa práctica deportiva no medio natural”, entre outras as emitidas polo Servizo de Montes da Consellería de Medio Rural, Servizo de Patrimonio Natural da Consellería de Medio Ambiente e a Dirección Xeral de Emerxencias e Interior dependente da Consellería de Presidencia. Analizar a problemática do Índice de Risco Diario de Incendios (IRDI).
- **Colaborar coa Administración deportiva autonómica na execución dos plans e programas dos deportistas galegos de alto nivel.**
- Promover que as persoas deportistas coñezan da existencia dun marco que regula o Deporte de Alto Nivel, Alto Rendemento e Rendemento Deportivo de Base de Galicia a través da web da FEGADO [[ver pestana DEPORTISTAS DE ALTO NIVEL](#)].
  - Certificar dende a FEGADO e comunicar ás persoas deportistas que obteñan un resultado compatible co recoñecemento como Deportista Galego de Alto Nivel, Alto Rendemento e Rendemento Deportivo.
  - Habilitar un marco de axudas ás persoas deportistas que participan en competicións internacionais oficiais representando á selección española, ou que aspiran a formar parte da mesma baixo a tutela das persoas seleccionadoras da FEDO a través de probas de selección, concentracións, etc.

- **Designar** unha persoa colaboradora coa FEGADO en materia de Deporte de Alto Nivel. Planificar a estratexia, de cara a unha entrada en funcionamento na tempada 2024, no marco dun Grupo de Alto Rendemento, de dous (2) Grupos Permanentes de Adestramento (Galicia Norte e Galicia Sur).
- **Colaborar e/ou organizar as competicións oficiais e actividades deportivas de carácter estatal ou internacional que se realicen no territorio de Comunidade Autónoma de Galicia.**

Esta meta estará coordinada co calendario oficial de Federación Española de Orientación (FEDO), a data actual aprobado pola Asamblea General de 03/06/2022 e Comisión Delegada de 27/07/2022 [\[ver CALENDARIO FEDO 2023\]](#)

- **Colaborar coa Administración deportiva autonómica na formación de técnicos-adestradores e xuíces-controladores, segundo a normativa que sexa aplicable.**
  - Organizar unha Asamblea Xeral Técnica específica para a actualización de Regulamentos e Normas Anuais.
  - **Designar** unha persoa colaboradora coa FEGADO en materia de Xuíces Controladores. Promover actuacións de formación, na medida do posible cun mínimo de 10 horas de duración teórico-prácticas.
  - **Designar** unha persoa colaboradora coa FEGADO en materia de Xuíces SPORTident. Promover o cambio de designacións (de técnico de cronometraxe ou técnico SPORTident) e asentando as súas funcións no Regulamento e Normas Anuais da FEGADO. Promover actuacións de formación, na medida do posible dun mínimo de 10 horas de duración teórico-prácticas.
  - **Designar** unha persoa colaboradora coa FEGADO en materia de Técnicos de Trazados. Promover actuacións de formación, na medida do posible dun mínimo de 10 horas de duración teórico-prácticas.
  - **Designar** unha persoa colaboradora coa FEGADO en materia de Técnicos de Cartografía. Promover actuacións de formación, na medida do posible dun mínimo de 10 horas de duración teórico-prácticas.
- **Fomentar a participación no deporte de orientación das persoas con algunha discapacidade.**



- Habilitar liñas de apoio á organización de probas da especialidade de TRAIL-O, nun mínimo ideal dunha Liga Galega de 4 probas, unha por cada provincia
  - Habilitar liñas de apoio á elaboración de instalacións deportivas (mapas) de TRAIL-O.
  - **Designar** a unha persoa colaboradora coa FEGADO en materia de Circuitos Permanentes de Orientación (CPO), con especial énfase no fomento da práctica no colectivo de persoas con diversidade funcional, á vez que favorécese a súa inclusión social.
  - Desenrolar material didáctico sobre a ORIENTACIÓN INCLUSIVA + DECÁLOGO ACCESIBLE
- **Fomentar a educación medioambiental entre os deportistas-orientadores e adoptar cantas medidas estean ó seu alcance co fin de salvagardar o patrimonio natural durante o desenvolvemento das súas actividades. Colaborar en materia de medio ambiente cos Organismos e Entidades Públicas ou Privadas no ámbito do seu territorio.**
- **Designar** unha persoa colaboradora en materia de medio ambiente. Promover actuacións de formación dun mínimo de 10 horas de duración, na medida do posible dun mínimo de 10 horas de duración teórico-prácticas.
  - Explorar a posibilidade de asinar CONVENIOS de colaboración en materia formativa coa Consellería de Medio Ambiente e/ou con grupos naturalistas.
- **Incrementar a práctica da súa modalidade deportiva no ámbito da nosa Comunidade Autónoma, así como promover o incremento de clubs adscritos á federación e de licencias deportivas desta.**
- **Promover o incremento da participación daquel xénero cuxa práctica sexa minoritaria dentro da práctica deportiva desta federación.**
- Ofrecer liñas de apoio á participación de equipos galegos mixtos nos Campionatos de España da modalidade de orientación.
  - Dar visibilidade nas RRSS da FEGADO ás especialidades do deporte feminino e mixto.
  - Dar visibilidade nas RRSS da FEGADO ao feito de que da FEGADO está presidida por mulleres na figura de presidenta e vicepresidenta.
  - Aplicar o principio de discriminación positiva na designación de persoas colaboradoras, persoas relacionadas coa formación e coa tecnificación.

- Aplicar o principio de discriminación positiva na configuración de equipos de remudas mixtas das Seleccións Galegas.
- **Incrementar o nivel deportivo dos deportistas galegos e os seus resultados de participación en competicións nacionais e internacionais, mediante a posta en marcha de plans de tecnificación necesarios para tal fin e adaptados ás necesidades dos nosos deportistas.**
  - Implementar un Plan de Tecnificación Deportiva FEGADO 2023 de carácter transversal a tódalas especialidades da modalidade de orientación, que active as concentracións, tecnificacións específicas, tecnificacións xenéricas programadas e tecnificacións xenéricas non programadas.
- **Velar polo cumprimento por parte das entidades deportivas afiliadas á federación, das obrigas establecidas con motivo da lexislación relativa á protección xurídica do menor e ao sistema de protección da infancia e adolescencia**
  - Elaborar un Protocolo para a prevención, detección e actuación fronte ao acoso e abuso sexual, tomando como referencia o documento de partida o PROTOCOLO vixente da Federación Española de Orientación (FEGADO) na súa actualización do ano 2020.
- **Fomentar a posta en práctica de medidas encamiñadas á prevención de accidentes deportivos con especial atención á poboación en idade escolar**
  - **Designar** unha persoa colaboradora en materia de RISCOS LABORAIS. Replantexar o modelo actual de Avaliación de Riscos dos Eventos FEGADO e adoptar medidas para informar aos organizadores.

## 6 Beneficiarios

Clubs FEGADO con licenzia FEDO para a tempada 2023 (24 clubs a data actual)

Persoas deportistas federadas (692 licenzias a data actual)

Persoas deportistas non federadas (con licenzia de día)

Centros escolares adscritos ao programa Xogade

Categorías de iniciación longa e curta (non é o obxectivo da FEGADO a medio-longo prazo)

## 7 Localización física e cobertura espacial

A estrutura territorial do proxecto deportivo é autonómica, aínda que poderá adoptar calquera das modalidades legalmente permitidas.

**Mapas.** O Proxecto deportivo da FEGADO 2023 se desenrolará necesariamente nas instalacións deportivas existentes ou ben nas de nova creación. No caso da modalidade de orientación, estas instalacións deportivas son mapas específicos elaborados ou actualizados por cartógrafos expertos.

A FEGADO dispón dun espazo na súa web [\[ver MAPAS DE GALICIA no REXISTRO CARTOGRÁFICO FEDO\]](#) no que rexistra a cartografía de orientación existente.

## 8 Especificación operacional das actividades e tarefas a realizar

Neste apartado especificamos as actividades e tarefas esenciais para alcanzar os obxectivos e metas expostos con anterioridade, que resumimos en:

- **Actividade de deseño do calendario de competición.** Tarefas a realizar por Dirección Técnica e vogalías:
  - o Analizar o calendario definitivo da Federación Española de Orientación (FEDO).
  - o Analizar as propostas recibidas de clubs, entidades deportivas ou persoas físicas ou xurídicas.
  - o Evitar, na medida do posible, coincidencia de eventos de especialidades afines nos calendarios estatal e nacional.
  - o Evitar, na medida do posible, a acumulación de probas en determinados meses.
  - o Emprazar estratexicamente as probas autonómicas, de xeito que sirvan como preparación para as principais probas estatais: CEO, CERA, CETO, CESA e CEMTBO.
  - o Aprobar o calendario oficial en Asemblea Xeral.
  - o Designar ás persoas coa función de Xuíz Controlador para cada proba oficial
  - o Expedir as correspondentes certificacións federativa de adxudicación de organización de probas oficiais.
  - o Establecer un mínimo nº de probas 2023: [ver indicadores de avaliación.](#)
  
- **Actividade de deseño do calendario de tecnificación.** Tarefas a realizar por Dirección Técnica e vogalías:
  - o Analizar o calendario definitivo da Federación Española de Orientación (FEDO).
  - o Analizar o calendario definitivo da Federación Galega de Orientación (FEGADO).
  - o Confirmar as persoas adestradoras para o Programa de Tecnificación Deportiva 2023.
    - Esbozar os primeiros pasos (adestradores e deportistas) para o futuro Grupo de Adestramento Estable de Alto Rendemento Deportivo (medio prazo na tempada 2024).
  - o Emprazar estratexicamente as tecnificacións, de xeito que sirvan como preparación para as principais probas estatais: CEO, CERA, CETO, CESA e CEMTBO.
  - o Publicación da apertura de inscricións ao Programa de Tecnificación Deportiva 2023.
  - o Selección dos participantes (categorías previas á absoluta e anteriores á previa á absoluta).
  - o Asignar as persoas deportistas aos Grupos de Nivel

- Establecer un mínimo nº de tecnificacións 2023: [ver indicadores de avaliación](#).
  - Concentracións
  - Tecnificacións específicas
  - Tecnificación xenéricas programadas
  - Tecnificación xenéricas non programadas
- **Actividade de configuración das Seleccións Galegas.** Tarefas a realizar por Dirección Técnica e vogalías:
  - Análise de resultados da tempada 2022.
  - Establecer os criterios de selección en documento conxunto para as especialidades.
  - Publicar as preseleccións en tempo e forma.
  - Publicar as seleccións en tempo e forma.
- **Actividade de deseño do calendario de formación.** Tarefas a realizar por Dirección Técnica e vogalías:
  - Análise de necesidades formativas.
  - Elaboración dun censo de titulacións habilitantes de ámbito estatal.
  - Identificar persoas dispoñibles para impartir a docencia.
  - Publicar a apertura de prazos de inscrición.
  - Establecer un mínimo nº de probas: [ver indicadores de avaliación](#).

## 9 Métodos e técnicas a utilizar

Traballo grupal en Xunta Directiva (reunión mensual).

Traballo grupal en Mesas de Traballo sectoriais: cartógrafos, xuíces, técnicos, etc. (reunión anual)

Discusión en Asemblea Xeral Técnica (reunión anual para a revisión de Regulamentos e Normas

Exposicións individuais (cursos, charlas, etc.)

## 10 Determinación dos prazos ou calendario de actividades

**EN ELABORACIÓN** (peche da tempada a 31 de decembro de 2022)

Tanto o Proxecto Deportivo FEGADO 2023, como o CALENDARIO DE ACTIVIDADES OFICIAIS 2023 serán expostos na Asemblea Xeral convocada en Lugo para o sábado 17 de decembro de 2022 para o coñecemento das persoas asembleístas e das persoas asistentes, e para a súa aprobación, se procede.

Solicitud de probas calendario FEGADO 2023 (borrador)

[\[consultar borrador de calendario ACTUALIZADO\]](#)

Calendario FEDO 2023 (actualizado a 03/06/2022)

<https://docs.google.com/viewer?url=https://www.fedo.org/web/ficheros/federacion/jueces-arbitros/calendarios/Calendario-FEDO-2023.pdf>

## 11 Determinación dos recursos necesarios

### Medios humanos

A FEGADO non dispón de persoal laboral federativo para o desenvolvemento do seu Proxecto Deportivo. É por isto que:

- a) Non se contemplan custos laborais asignados a gastos xerais de funcionamento (persoal administrativo, de limpeza, mantemento, conserxería ou similar).
- b) Non se contemplan custos laborais asignados a persoal técnico ou adestrador.

### Medios materiais e técnicos

Instalación deportivas: as instalacións deportivas da orientación son os **mapas** especificados nos apartados anteriores

Materiais FEGADO declarados no ANEXO II da documentación aportada regularmente aos expedientes de Convenio Xunta-FEGADO. Esencialmente: balizas (conxunto estaca, telas e pinzas clásicas), estacións dixitais SPORTident, pinzas electrónicas SIAC ou similares. Colaboración dos diferentes clubs da FEGADO con materiais e recursos propios.

**Medios financeiros.** Non aplica

## 12 Cálculo dos custes de execución e orzamento

**EN ELABORACIÓN** (peche da tempada a 31 de decembro de 2022)

Tanto o Proxecto Deportivo da FEGADO 2023, como os ORZAMENTOS 2023 serán expostos na Asemblea Xeral convocada en Lugo para o sábado 17 de decembro de 2022 para o coñecemento das persoas asembleístas e das persoas asistentes, e para a súa aprobación, se procede.

Os datos orzamentarios e de contabilidade son públicos es están expostos na sección TRANSPARENCIA da web da FEGADO [\[ver CONTABILIDADE\]](#).

## 13 Estrutura organizativa e de xestión

Organigrama actualizado que identifique aos responsables dos distintos órganos federativos, así como o perfil e traxectoria profesional (currículo profesional) dos integrantes dos mesmos [\[ver ORGANIGRAMA da estrutura organizativa e de xestión da FEGADO\]](#).

### Xestión e coordinación

Presidenta | Sonia Gómez Naya

Vicepresidenta | Claudia Oreiro

Secretario | Roberto Amarelle

Tesoureiro | Javier Antoñón

### Área Técnica

Director Técnico | Jorge Piñeiro | [fegado.direcciontecnica@gmail.com](mailto:fegado.direcciontecnica@gmail.com)

Vogalía de O-Pé | Pablo Aller

Vogalía de MTBO | Enrique Estévez

Vogalía de TRAIL-O | José Antonio Ricoy

Vogalía de RAID | Manuel Pedre

### Área de Divulgación

Vogalía de RRSS | María Piñeiro |

## 14 Indicadores de avaliación

- **Calendario de competición.** Mínimo nº de probas 2023.

### Campionatos galegos (mínimo de 9 CG que coincidirán con probas de LG)

- o 1 Campionato Galego de Orientación a Pé | Distancia longa.
- o 1 Campionato Galego de Orientación a Pé | Distancia media.
- o 1 Campionato Galego de Orientación a Pé | Distancia sprint.
  
- o 1 Campionato Galego de Rogaine.
  
- o 1 Campionato Galego de MTBO | Distancia longa.
- o 1 Campionato Galego de MTBO | Distancia media.
- o 1 Campionato Galego de MTBO | Distancia sprint.
  
- o 1 Campionato Galego de Raid de Orientación
  
- o 1 Campionato Galego de Trail-O

### Ligas Galegas (mínimo de 23 probas de LG)

Federación Galega de Orientación

Fotógrafo Luis Ksado, 17 (Casa do Deporte) • 36209 VIGO (Pontevedra)  
[www.fegado.es](http://www.fegado.es) • [info@fegado.es](mailto:info@fegado.es)

- o 8 probas (mínimo) de Liga Galega de Orientación a Pé.
- o 4 probas (mínimo) Liga Galega de Orientación a Pé SPRINT.
- o 4 probas (mínimo) Liga Galega de Orientación de MTBO.
- o 4 probas, sendo o ideal de unha por provincia (mínimo) Liga Galega de TRAIL-O.
- o 3 probas (mínimo) Liga Galega de Raid de Orientación

#### **Campionatos Escolares e Universitarios (mínimo de 6 campionatos)**

- o 1 Cto. Provincial Escolar de Ourense, incluso zonais de ser necesarios.
- o 1 Cto. Provincial Escolar de A Coruña, incluso zonais de ser necesarios.
- o 1 Cto. Provincial Escolar de Pontevedra, incluso zonais de ser necesarios.
- o 1 Cto. Provincial Escolar de Lugo, incluso zonais de ser necesarios.
  
- o 1 Cto. Autonómico Escolar.
- o 1 Cto. Autonómico Universitario.

#### **Proxectos de Especial relevancia (mínimo de 6 que poderían coincidir con LG)**

- 1 Proxecto de Especial Relevancia de ámbito internacional
- 3 Proxectos de Especial Relevancia de ámbito transfronteirizo
- 2 Proxectos de Especial Relevancia de ámbito estatal (Liga Española)

- **Calendario de tecnificación.** Mínimo nº de tecnificacións 2023.
  - o **Plan de Tecnificación Deportiva 2023 (mínimo de 18 actividades)**
    - 2 Concentracións
    - 2 Tecnificacións específicas
    - 2 Tecnificacións xenéricas programadas
    - 12 Tecnificacións xenéricas non programadas
- **Calendario de formación.** Mínimo nº de formacións 2023.
  - 1 Actividade formativa en materia de trazados.
  - 1 Actividade formativa en materia de Xuíces de Cronometraxe.
  - 1 Actividade formativa en materia de Xuíces Controladores.
  - 1 Actividade formativa en materia de Cartografía.

## 15 Factores externos condicionantes

A continuación relacionamos unha serie de factores externos ou pre-requisitos para a consecución dos efectos e impacto do proxecto que poderían condicionar a viabilidade do proxecto.

Se trata dunha serie de factores realistas e ben fundamentados, precisos e completos:

- a) **Situación sanitaria COVID-19.** A experiencia de FEGADO na elaboración e actualización de protocolos, xunto á natureza dunha modalidade deportiva e especialidades que son ao aire libre e sen contacto parece garantir que o Proxecto Deportivo será viable para a tempada 2023.
- b) **Participación.** Establecemos un limiar mínimo de **450 licencias** para garantir a execución do Proxecto Deportivo de modo que a tempada 2023 sexa viable dende o punto de vista de participación. Parece, dada a situación sanitaria e económica actual, e a traxectoria de FEGADO que é un valor que debería ser sinxelo de alcanzar.
- c) **Nº de organizadores.** Podería ser un punto crítico. A actualización do Regulamento no 2021, de modo que as persoas xurídicas tamén establecemos un limiar mínimo de 500 licencias para garantir a execución do Proxecto Deportivo de modo que a tempada 2023 sexa viable dende o punto de vista de participación. Parece, dada a situación sanitaria e económica actual, e a traxectoria de FEGADO que é un valor que debería ser sinxelo de alcanzar. Establecemos a necesidade **mínima dun número de oito (8) clubs, entidades deportivas ou persoas físicas ou xurídicas involucrados na organización de probas** para garantir os obxectivos e metas do proxecto.
- d) **Medios materiais.** Os medios materiais de FEGADO, ademais dos que poden aportar os clubs, garanten a execución do Proxecto Deportivo 2023.
- e) **Permisos.** Os permisos administrativos sectoriais para a organización de probas son o factor que máis está afectando á organización de eventos.